

十一号

日本逸史

世三

世四

Z10.36

79

Vol. 17



天津師範
藏書
所藏書目

學林叢書

日本逸史卷第三十三

大長二年春正月乙巳朔廢朝賀以候御

藥也丁未宴侍臣於前殿賜食國史第七十一歲時

部二元日朝賀宴會附出戊申掖庭公主參觀冷然院

賜陪從大夫已下祿庚戌掖庭公主自冷

然院還其追從命婦等別敕叙位日本記畧辛

亥授從四位上清原真人夏野正四位下

從四位下伴宿禰國道從四位上无位善

棟王從四位下正五位下佐伯王正五位
上從五位下弟村王從五位上正六位上
大石王遠賀王從五位下從四位下橘朝
臣淨野從四位上正五位上高階真人清
階正五位下藤原朝臣文山藤原朝臣廣
敏三原朝臣春上從四位下從五位上長
岡朝臣岡成藤原朝臣葛成巨勢朝臣清
成清原真人長谷正五位下從五位下藤

原朝臣清綱巨勢朝臣清野石川朝臣廣
主橘朝臣弟氏藤原朝臣三成百濟王慶
忠大野朝臣真鷹伴宿禰氏上藤原朝臣
輔嗣從五位上正六位上藤原朝臣大津
藤原朝臣常永藤原朝臣朝繼橘朝臣永
名紀朝臣未守安倍朝臣大家田中朝臣
千尋忌部宿禰雲梯從五位下外從五位
上石占忌寸水直外正五位下正六位上

忠宗宿禰末繼六人部連門繼上毛野公
清瀨弘世連弘足外從五位下壬子授正
六位上大原真人貞成賀茂朝臣伊勢麻
呂從五位下外從五位下河內忌寸清瀨
外正五位下國史第九十九職
官部四叙位四是日女叙
位日本
記畧甲寅太政官符加賀國定上國事
右太政官去弘仁十四年三月一日下式
部省符稱依太政官去二月三日論奏割

越前國江沼加賀二郡爲加賀國又定中
國者今件國准諸上國課丁田疇其數差
益被天
三右大臣宣稱奉數宜改爲上國類聚
三代
格第
五乙卯授正五位下清原真人長谷從
四位下國史第九十九職
官部四叙位四是日任官日本
記畧
參議從四位上伴宿禰國道任陸奥出羽
按察使兼武藏守正四位下橘朝臣氏公
任刑部卿從四位下清原真人長谷任右

近衛中將公卿補丙辰尚闈從三位笠朝臣

道成薨日本記丁巳授從五位下藤原朝臣

雄敏從五位上國史第九十九職庚申為

諒闇無視踏歌但賜酒肴及祿第七十一二歲時部三

踏歌十六日辛酉敕曰射禮者國家大事而不

可闕因遣右大臣於建禮門南庭簡閱六

衛隨中賜祿有差第七十一二歲時部申刻

地震第七十一十一乙丑敕云云續日本後紀見

承和十一年十一月

二月戊子下

二月己卯任官日本記從四位下三原朝臣

春上任兵部大輔公卿補己丑右大臣外曹

司町北方公地造作大納言休息局日本記

庚子地震國史第一百七十一壬寅右大臣

上表謝大將職日本記

三月甲子常陸國人文部子氏女叙位二

級終身免其戶田租用旌貞節也子氏女

年十五適於同鄉人勳七等新治真軍經
十八箇年夫死之後常掃墳墓朝夕悲泣
雖經多年無變其志國史第五十四
人部十節婦是日
藤原朝臣愛發上表申勸學院莊事公卿
補任
引國史云乙丑筑前國人舍人臣福長女產兒
三人男一
女二給正稅四百束國史第五十四
人部十多產
丁卯二品行彈正尹葛原親王上表臣之
男女一皆被賜姓平朝臣不許癸酉攝津

國江南四郊隸和泉國

日本
記畧

夏四月丁丑改乳長上爲乳師

國史第百
七職官部

十二典
藥寮

戊寅右大臣正二位藤原朝臣冬

嗣爲左大臣近衛大將如故大納言從二

位藤原朝臣緒嗣爲右大臣

日本記畧
公卿補任云

緒嗣皇太子傳
如元返上千戶

庚辰詔曰天地造物覆燾

之德以弘帝王濟世卹億之仁斯浚故能

務穡稔獄登群黎於富壽陶風湛紀致一

代之雍熙朕恭承睿託嗣守鴻基而誠慙
經遠明謝燭幽通宵輟寢軫納隍之情日
旰忘食懷臨谷之懼如聞諸國往往疫病
不止又太宰府言上在肥後國阿蘇郡神
靈池遭旱澇不增減而無故涸渴二十餘
丈者去延曆年中有此怪當時卜之旱疫
告咎前事不忘取鑑今日疑是政術有乖
戒以不祥歟昔周文引過消震地之災宋

景厲精移妖星之咎乃知德必勝妖善能
除患欲攘茲殃唯資法力宜每寺齋戒以
修仁祠鰥寡孤獨不能自存者量加賑贍
其卧病之徒無人救養多致死亡凡國郡
司爲民父母棄而不顧豈稱子育宜一一
致問給穀與藥令得存濟又免除去弘仁
十三四兩箇年調庸未進宜告遐邇使知
此意焉

國史第一百七十三
災異部七 疾疫

壬午右大臣藤

原朝臣緒嗣上表，敕不許。癸未遷攝津國，治於豐島郡家以南地。日本記畧丙戌散位，從四位下。紀朝臣田上卒，從七位下。孫取之，孫贈右大臣正二位船守之第三男也。延曆二十二年叙從五位下，大同元年叙從五位上，任相模守。三年叙正五位下，秩滿入京，追從平城，授從四位下。家業武藝，才華興聞，至於從政，不失民心。弘仁之初，以

謫任左渡權守，會赦歸鄉，俄而卒。時年五

十六。國史第六十一卷 六人部薨卒是日右大臣上表不許。

丁亥任官，己丑右大臣上表不許。日本記畧

五月甲辰下治部省符，偁僧綱牒偁檢按

內諸國講師，夏中死去，無人修法。檢知庶

事，隨且為息，伏請擇有能者補任。讀師者

右大臣宣奉敕，依請。見齊衡二十一年八月二十三日待乙巳

左大臣藤原冬嗣等上表奏請，臣下封祿。

許之庚戌右大臣緒嗣上表以封一千戶
奉支國用敕依請日本壬子太政官符定
詔使官使事右頃年之間爲推民訴遣使
四方或國司等對捍使者不承勘問捍侮
之辭觸類多端遂乃使旨不展徒然引歸
冤屈之民累年懷愁路次之驛空疲迎送
稍尋其由緣無使威詔使臨界豈如此乎
右大臣宣奉敕定使立制古今攸貴宜定

使色以肅將來其巡察覆問檢稅交替畿
內校班田問民苦并訴等使竝准詔使之
例賑給檢損由池溝疫死等使猶爲官使
但遣使之旨出於敕語卽是等謂之詔使
而已不可更限事之輕重類聚三代格第七癸丑
左大臣冬嗣上表請減封乙卯敕不許癸
亥右大臣封戶二千烟依表收公乙丑任
官日本丁卯格云勘解由使起請傳延曆

十七年正月二十日格云五畿內七道諸國定額寺資財等帳附朝集使每年進官自今以後宜停進之但遷替國司相續檢校者自爾以降不進件帳今諸國言上不與勘解由使多載部內定額寺資財堂舍無實破損等夫有司勘事文書爲本無其帳何辨真偽請六年一申以擬勘據者右大臣宣奉敕依請

見類聚三代格貞觀十年六月符及三代實錄

戊辰明法博士官位從七位下官

國史第百七職

官部十一大學寮○類聚三代格云太政官符定太宰府明法博士官位事右得彼府解俛去延曆十八年始置件官而未定官位謹請官裁者左大臣宣奉敕宜爲從七位下官己巳條制云云見寬平六年十一月三十日符庚午薨卒五位已上大學諸博士停責解由

第八十政理部二解由

六月乙亥節婦別公今由賣叙位二級終身免戶田租以旌節行人國史第五十四是

日暴雨雷動霹靂中務北門柳日本記畧卒巳

散位從四位上勳七等紀朝臣長田麻呂

卒中判事正六位上未茂之孫正六位上

相模介稻手之子也不涉史傳多兼少伎

自安清貧不營名利可謂青松之下必有

清風者時年七十一國史第六十一
六人部薨卒

秋七月壬寅朔日本記畧從四位上藤原朝臣

綱繼從四位下南淵朝臣弘貞竝任參議

公卿補任癸卯授正四位下清原真人夏野從

三位任中納言國史第九十九職
官部四叙位四丁未二

品行彈正尹兼太宰帥葛原親王上表割

愛子息庶捨王號許之戊申正五位下都

宿禰腹赤卒年三十七日本記畧己酉應賜借

五位郡領位祿事絹三匹綿三屯調布二

十端庸布四十段右太政官去年八月二

十日下式部省符傳檢正三位行中納言

兼右近衛大將陸奧出羽按察使良峰朝
臣安世奏狀稱郡領者今之縣令也親民
行化實在斯人時澆俗薄稱格者希伏望
善政爲國司所舉申者借榮汲令足自展
然後考績依實與奪者依奏者左大臣宣
奉敕宜且賜件祿使自勸勵但位由資人
竝子蔭不在此限政事要畧第二十七己酉從五位
上文室朝臣秋津任左近衛中將公卿補任庚

戊任官

日本記畧

從五位上文室朝臣秋津叙

正五位下

公卿補任

辛亥若狹國割遠敷建大

飯郡

日本記畧

閏七月癸酉葛原親王頻抗表賜平朝臣

姓於從四位下高棟王貫左京二條二坊

公卿補任

乙亥奉遣使於柏原山陵其詞曰云

云肥後國阿蘇郡

余在留

神靈池涸渴多利

云云丁丑無品菅原內親王薨桓武天皇

第十六皇女也丁亥彈正尹四品佐味親
王薨桓武天皇第九皇子也容儀閑雅頗
好女色天皇踐祚之日行玄朝堂暴疾倒
卧呼聲似驢與病而出不經幾日薨時年
三十三日本
記畧庚寅令宮中左右京五畿內
七道諸國講說仁王護國般若經承前之
例兇願文者豫仰當時進文章者作少僧
都傳燈大法師位空海被配東宮講師卒

爾瀝思講前卽成其詞曰唐突三尊耶孃
六趣構殿大虛之無際建都少空之不生
五眼高照赫日之光非儔無量普覆靄雲
之幕何喻吾子多病針藥不遑奇哉大哉
欲談舌卷伏惟我皇帝陛下百億之一一
得之負悲物濡足濟時申乎一切一物納
隍當憂民黎安堵謹
天長二年閏
七月十九日於宮中及五畿七道設一百

師子座延八百怖魔人一日兩時奉演仁
王護國般若經五忍開義忽評咎氣之弊
二諦折理乍聚休發之祥總此自業奉資
聖體伏願教令五忿揮輪劍而降魔怨自
性十六魔惟寶而滋福壽洪祚永久欺芥
石於猶短玉體堅密咲金剛於易滅十善
之風扇四夫以不鳴條萬民之業貯九年
以不拾遺忘其帝力悟其乘拱上福七廟

開彼三明永技無明根常遊大覺觀太上
天皇姑射之遊與八仙無極襄域之德千
世流其芳宸位貳君名齊國王世子德比
悉達薩埵堅固之譽彌新結構之功不墜
宮貴飛義文武效能繞北極而竭力仰南
風而解慍鼎食有餘冠帶無盡普闍幽明
廣及動植共沐般若之甘露同昇解脫之
蓮臺開題維照陽之大荒自藏之相節城

一淵
作潤

一大
作火

中一大諸天所子洗身澄心投誠歸命敢
告乎佛馱達磨僧伽夫高天不覆人民何
生厚地不載草木誰憑所生之尤靈惟人
爲貴貴之原惟君惟王君惟人父民則君
子子病不愈父何以宴四大之疾藥針所
治一心之患淡法能療開道大雄調御
□之天仁王尊經□云之發之歸之仰之
神力能救若讀萬珍忽消是故釋提一誦

一巡
作廷

修羅之軍瓦碎水銷普明二說班足之忿
雲卷霧散所以爲鎮乾巡之變惟濟元元
之塗炭謹於紫微極殿青春風樓五畿之
內七道諸國嚴飾道場陳列妙供敷一百
獅子座屈八百龍象衆奉宣五種之般若
守護內外之



仰願云云

國史
第百

七十七佛道
部四仁王會
辛卯攝津國無木莊公田一
町八段賜齋院司
第百七職官部
壬辰停

隸和泉江南四箇郊還附攝津國百姓騷
動無顧私業也日本記畧癸巳常陸國人右近
衛將曹從八位上勳八等中臣鹿島連貞
忠願得度許之國史第一百八十七
佛道部十四度者丁酉太
政官符應諸郡司病損之後不預他色依
舊復任及還本事右得式部省解俾檢按
內太政官去弘仁八年正月二十四日符
俾今月二十三日下五畿內諸國符俾右

大臣奏狀俾依太政官去延曆十八年四
月二十八日符五國郡司一居內考率由
近接都下駁策殊甚准於外國不可同日
今件人等未出身前相競如林既得考後
好稱詐病非當闕棄郡務誠是欺犯朝章
伏望自今以後有斯類者國司勘實一從
還本若有國司受彼請託輒解却者准狀
科附不從寬典庶遏奸源以勵後進者中

納言正三位兼行民部卿藤原朝臣葛野
麻呂宣奉敕依奏者然則詐病還本格意
明白實病得痊處置未的又貪濁有狀無
故不上省例還本事卽無疑但或服解後
不堪復任或雖居職不堪時務如此解任
理有難抑然而人情詭盪真偽叵信推尋
事跡非無疑涉擬由_テ内考之榮還_テ人致
盪偽之源如聞件郡司等遁職之日巧稱

病患解却之後仍稱病痊規去本職求入
他選仍勘格出之後解却之人七十二人
望請實病之人者國司研實每得痊瘡更
用復任不堪釐務者省家開帳爲欺朝章
將從還本其實病得痊待闕之間從於抑
退不預他考然則人皆懲慎奸迹自絕謹
請官裁者左大臣宣奉敕依請_{類聚三代}
八月癸卯任官戊申召大學博士學生等

於紫宸殿令論義賜物有差博士從五位
下伊豫部連真貞論詞可嘉有敕卽補次
侍從日本記畧甲寅太政官符應直府書生權
任郡司事右得太宰府解俛府所總管九
國二島政迹之體內外相兼雜務出納觸
色紛繁監典等早朝就衙午後分行多事
少人謹檢大畧唯就事書生得辨細碎因
茲承前選擇書生每所配宛永置不替求

得經按繫名郡司盡其勤卓而依太政官
去弘仁三年八月四日之符郡司之選一
依國定書生等競就本國無心留府雖加
捉搦免而無恥弘仁七年以來雜公文至
今未進職斯之由望請直府書生隨其才
權任主帳以上總數莫過十人名繫郡司
留府衙以繼譜之慶類聚三代奔躁之心者右大
臣宣奉敕依請格第七丁卯任五畿內

七道巡察使

日本記畧

己巳參議從三位兼太

宰帥多治比真人今麻呂薨參議從四位

上治部卿土佐八男也延曆十三年三月

任中判事又任式部少丞十六年七月叙

從五位下任肥後守二十四年十月任式

部少輔二十五年正月任勘解由次官二

月任右少辨六月任美作介大同三年十

一月叙從五位上任太宰少貳五年正月

叙正五位下任右中辨六月遷任因幡守

七月任民部大輔九月叙從四位下遷春

宮大夫弘仁二年十一月任式部大輔五

年正月任大藏卿六年十一月任式部大

輔七年正月任下野守二月任左京大夫

八年正月兼攝津守十月任參議十一月

兼大藏卿九年六月遷任宮內卿十一年

正月叙從四位上尋叙正四位下十二月

叙從三位任太宰帥薨時年七十三公卿補任

九月壬午從四位下三原朝臣春上任彈

正少弼公卿補任

冬十月己酉太上天皇遊獵于交野左大

臣陪從焉遣中納言清原真人夏野竝藏

人三人令供奉國史第三十二帝王部乙

丑詔曰天皇我大命坐石作乃山陵

余申給久前余山陵地不穩止思所行互

上レ申ス余依天今年乃冬時余奉遷止申賜

事了然乎齋内親王乃參入賜布年余之

種種事繁忽互奉遷事不得成奴明年乃

春時余可キ奉遷事乎左大辨從四位上直

世王大藏大輔從四位下藤原朝臣淨本

等乎使余差互申給不天皇我御命乎申

給久申也第三十六帝王部是日散事從四

位下縣犬甘宿禰淨濱率日本甲寅授正

六位□百濟王教養從五位下

藤原朝臣三成正五位□正六位上藤原

朝臣豐繼從五位下國史第九十九職已官部四叙位四

未應言上王臣家竝諸司官人等不進田

租歷名事右太政官去年八月二十一日

下山城國符傳得國解傳諸郡司解傳收

納之事令條立程貸租之物須依法進而

王臣家竝諸司人等多接部內耕營雜田

至徵其租不肯辦備租稅未納大概由之

郡司入罪是已怠仍請處分者國司覆勘

事是有實望請王臣家竝內外官人等所

營田租十一月三十日以前猶有未進者

勘錄彼數言上其所賜俸祿准未進數便

留庫謹請官裁者右大臣宣凡檢納官物

非无程期勤加勘責何致替違宜嚴加勘

徵猶有未進實錄其名言上者左大臣宣

宜令畿內諸國一同行之

政事要畧 第五十三

己未

從四位下源朝臣信叙從四位上

公卿補任

寅任官

日本記畧

參議從四位上橘朝臣常生

兼下野守

公卿補任

其

十一月己巳朔舉酒以屬群臣投暮宴酣

琴歌竝奏極歡而罷養祿有差

國史第七十五歲時

部六旬宴

庚午置施藥院使司使判官主典醫

師各一員

第百七職官部

庚辰右大臣緒

嗣上表云云

日本記畧

丙申奉賀太上天皇五

八之御齡白日既傾繼之以燭雅樂奏樂

中納言正三位良峯朝臣安世下自南階

舞群臣亦率舞妓暮雨雪輕花拂舞昇夜

而罷賜祿有差有詔未得解由大夫等皆

預賜祿之例又別賜參議已上冷然御被

戊戌皇太子臣正良言臣聞至禮不讓天

地同符大音希聲神明合契堯以星辰欽

若藏白玉之神圖，舜以雷雨不迷，受黃金之符璽。孔子曰：必世然後仁，誠哉是言。漢興至孝文四十載，凡四帝也。自桓武聖帝訖於當今，推曆四十箇年計世，四帝諱齡四十，總計三、四、十、二爲百、二十歲，寔聖政馭曆之祥也。伏惟天皇四十年之後，四帝之初，聖運斯鍾，至德盛矣。行同虞舜，仁敦漢文，逾勸禮樂之方，亦當春秋之富震居。

初，穆仰仙齡之元凶，天下同歡。知黎元之有慶，已浚和祚，更足欣誠。輒効獻芹，敢塵梳袞。謹上衣琴等，非加消塵，貴表懇敬。伏願陛下御此服色，彌隆垂衣之風。撫彼覲絃，再發虞琴之操。壯年之慶，非無前儀。臣子之誠，不能默爾。凡雖聖人之算，自天祐之，華封之壽，更有何益。而中心所感，不勝形言。冀遙懸三辰，俱護北極之坐。遠行萬

壽每陪南山之基臣拔自髻年夙蒙覆潤
辱真萬國曾先三善而聖情重疊慈誨慙
懃榮浚施道寵優列幄代南山之竹未足
盡恩抑崇海之鼉那堪負德因與群臣伏
表丹款無任悚賀謹奉表以聞
國史第二十八帝王部八太上天皇算賀

十二月辛丑隱岐國馳驛奏上渤海國使
高承祖百三人到來
日本記畧壬寅越前守從

四位上紀朝臣未成卒大納言正三位古
左美第九子也弘仁初叙從五位下十二
年叙正五位下俄授從四位下天長元年
叙從四位上幼而聰悟博覽文籍年二十
試調式部丞時議許其兼舉出任伊豫介
歷出雲常陸大和越前守竝以幹濟聞但
名者實之賓也斷長繼短寬簡之耳時年
四十五追贈正四位上
國史第六十一人部薨卒乙巳

大內記布瑠宿禰高庭定領客使借出雲
介不稱領客使日本記畧丁未應懸陣履慢狀
申於內侍即掌侍當麻人浦虫子仰右中
辨藤原朝臣愛發云每年從十月一日迄
于二月三十日布幔一條懸於陣西宮記丁
巳諸道巡察使辭見紫宸殿訖即於東階
下各賜祿右大臣緒嗣上表敕答不許日本記
畧甲子符傳承前之例諸國小社或置祝

無禰宜或禰宜祝並置舊例紛謬准據無
定加以或國獨置女祝永主其祭右大臣
宣旨自今以後禰宜祝並置社者以女爲
禰宜但先置者今終其身見貞觀十年六月二十
八月符

日本書紀卷第三十四
宣旨自今以後斷宜於位置
受命別處國斷書定
無勝宜知斷宜時並置書附位

日本逸史卷第三十四

天長三年春正月戊辰朔皇帝御大極殿

受朝賀宴侍臣於內裏賜祿國史第七十一

元日朝賀宴會附出庚午散位從四位上石川朝臣

繼人率正四位下難波麻呂之孫從四位

下豐人之男也延曆十三年叙從五位下

大同三年從五位上弘仁十三年從四位

下天長元年從四位上性質素無所飾歷

任內外毀譽不聞國之元老被授崇班卒

時年八十六第六十一、六亥刻失火左兵衛

府厨院灰滅厮女一人壬申緣左兵衛府

失火事被除於南庭第一百七十三地震第

七十一災異甲戌賜宴於豐樂殿授正四

位下藤原朝臣繼彥從三位從四位下小

野朝臣峯守從四位上無位高枝王從四

位下從五位下雄豐王從五位上正六位

上栗主王從五位下正五位下藤原朝臣

世嗣從四位下正五位下百濟王元勝正

五位上從五位下安野宿禰文繼正五位

下從五位下巨勢朝臣河嗣紀朝臣虎主

藤原朝臣人竝和氣朝臣仲世大枝朝臣

總成藤原朝臣葛守林朝臣山主藤原朝

臣常嗣廣階宿禰真象從五位上正六位

上藤原朝臣諸成布留宿禰高庭外從五

位下坂上忌寸今繼羽昨公吉足從五位
 下外從五位上奄智造吉備麻呂船連湊
 守外正五位下正六位上宮原宿禰村繼
 大山岡忌寸豐繼外從五位下賜祿有差
 第七十一歲時部一七日節會
 及第九十九職官部四叙位四乙亥授正
 六位上三繼王伊勢朝臣永嗣從五位下
 第九十九職官是日女叙位日本
 部四叙位四記畧辛巳地
 震國史第百七十一
 災異部五地異戊子任官日本
 記畧參議

從三位春原朝臣五百枝兼美濃守參議
 從四位上直世王兼越前守參議從四位
 上藤原朝臣綱繼兼武藏守參議從四位
 上伴宿禰國道兼相模守從四位下清原
 真人長谷任安藝守正五位下文室朝臣
 秋津任因幡守從五位上藤原朝臣吉野
 任伊勢守公卿補任庚寅地震國史第百七十
一災異部五地
 異授外從五位下遠田臣人綱上毛野賀

茂公宗繼外正五位下外正六位上磐城
臣藤成上毛野陸奧公吉身外從五位下
第九十九職官 乙未幸芹川野遊獵從四
部四叙位四
位下源朝臣信爲侍從山城國別當中納
言從三位清原真人夏野率國司聊獻物
賜群臣及國司判官以上衣被第三十一二
二天_皇 丙申和泉國令築池五處從民望
遊獵
也日本 記畧

二月辛丑任官日本 記畧 參議從四位上藤原
朝臣綱繼任相模守參議從四位上伴宿
禰國道任武藏守從四位下藤原朝臣愛
發任參議兼中務大輔從四位上源朝臣
信任治部卿公卿 補任 癸丑備前國停田原池
築日本 祈埼池日本 辛酉地震國史第百七十一
災異部五地
異 任改葬石作山陵司第三十六 帝主
戌賜唐留學僧靈船之弟妹阿波國稻一

束第七十八賞
宴部下賞賜

三月戊辰右大臣藤原緒嗣上表云云皆
雜務行事贈皇后改葬一御齋會二堀加
小溝并飛鳥堰溝三七道畿內巡察使四
可召渤海客徒五經營重疊騷動不遑云
云不許真日本己巳度俘囚二人國史第一百九十一風俗
部俘 是日妃從二位多治比真人高子薨
贈從一位年三十九遣使就第詔曰云云

丁丑奉爲柏原天皇於西寺限七箇日說
法華經別有朝議請致仕大僧都護命法
師爲講師公卿以下供事其經太上天皇
手跡也紫宸金字玉軸繡帙一點一畫有
體有勢珠連星列爛然滿目觀人稱曰真
聖鐘繇逸少猶未足云云又佛堂莊嚴種
種法物盡奇窮異乙未任官日本戊寅宣
旨云左大臣宣朝座申政之日須五位外

記率五位官史而今六位外記引五位官
 史史是不便也自今而後朝座申政之時
 五位外記宜率五位之史西宮記甲申詔曰
 天皇我詔旨良萬宣布詔旨乎聞食倍與
 宣從八位下出雲臣豐持乎國造介任賜
天冠位上賜比大御手物賜久宣布詔乎
 聞食閉與宣國史第十九神
祇部十九國造
 夏四月壬寅皇帝幸於南池召文人令賦

詩賜祿有差丁未幸神泉苑國史第三十一

一天行幸下 己酉地震第百七十一災異部五地異

五月丁卯散位從四位上安倍朝臣男笠
 卒延曆十七年叙從五位下任右兵衛佐
 遷任左馬頭兼參河守弘仁初叙從五位
 上任駿河守俄叙從四位下拜任主殿頭
 尋授從四位上性質素無才學歷職內外
 不聞善惡調鷹之道冠絕衆倫桓武天皇

寵之屬侍龍顏卒時年七十四國史第六十六人部

是日三品恒世親主薨今上第一皇子

母贈皇后桓武天皇之皇女也年二十一

天皇悲痛久不視朝日本記畧丁河内國符

別當正三位行中納言兼右近衛大將春

宮大夫良岑朝臣安世奏狀稱前年之間

水旱相仍百姓凋瘵或合門流離或絕戶

死亡風俗由厥長衰郡吏以之逃散所以

頃年以諸國主典任用郡司至有闕怠必

加刑罰雖各據時格以望爵級而不忍彼

恥遂致逃遁凡決罰郡司法家不聽格式

無有伏請主典以上被補郡司若有罪過

依法令贖然則不去其職必致經遠之圖

但自餘郡司不改前例者中納言從三位

兼行左兵衛督清原真人夏野宣奉敕依

奏見貞觀十年六月丙子葬恒世親主於山

城國愛宕郡鳥部寺以南戊寅渤海國使
高承祖授正三位副使判官祿事等亦有
叙位庚辰渤海國客徒歸加賀國辛巳敬
問渤海國王云云己丑賑給左右京飢民
日本 辛卯下諸司符傳和泉國解傳進官
記畧 雜物依期入京至計返抄還多未進何則
綱領之貢若欠錙銖本司之例必拘返抄
至乃綱領死亡本司遷代檢據失便終為

未進室家弊於重輸國郡困於再貢交之
與民弊莫大焉望請令檢納諸司錄其見
納捺本司印且與返抄者左大臣宣依請
凡厥諸國亦同此例
見齊衡三年六月五日符及承和十年三月十五
日符 壬辰授正六位下文屋朝臣富田
麻宮從五位下
國史第九十九職 甲午左
大臣上表乙未詔曰云云
日本 記畧
六月戊戌參議從四位下兼彈正大弼下

野守攝朝臣常主卒贈太政大臣奈良麻呂孫正五位下兵部大輔島田麻呂六男母刑部卿從四位下淡路真人三船女弘仁二年正月任大學少允四年正月任式部少丞七年正月補藏人三月轉大丞八年正月叙從五位下二月任少納言九月任左馬頭九年正月任權左少辨十年三月補藏人頭六月任左中辨十一年正月

叙從五位上八月任右近衛少將十月任左近衛少將十二年正月叙正五位下兼式部少輔四月叙從四位下兼修理大夫五月兼中務大輔九月兼式部大輔十三年三月任參議修理大夫式部大輔如元十五年四月兼彈正大弼天長二年十月兼下野守常主積薪居其上燒死有敕使被問卒時年四十公卿補任己亥改七月七日

相撲定十六日避國忌也國史第七、十三歲時部四相撲

壬寅地震第百七、十一災異部五地異 屈一百僧於御

在所及大極殿限三箇日轉讀大般若經

防疫癘祈豐年也第十一神祇部十一祈禱及第百七、十三災異

部七疾疫 甲辰緩子內親王薨大上天皇皇女

也丙午葬山城國愛宕郡愛宕寺以南山

日本 丙辰任相撲司國史第七、十三歲時部四相撲 丁巳

任官日本 記畧

秋七月庚辰任官四品賀陽親主為中務

卿日本 正三位宮內卿藤原朝臣三守任

刑部卿正四位下刑部卿橘朝臣氏公任

宮內卿公卿補任 辛巳御豐樂殿覽相撲國史

十三歲時 鄉雲見西方其狀五色相雜如

夾纈絹第百六、十五祥瑞部上雲 己丑左大臣正二位

藤原朝臣冬嗣薨右大臣內麻呂二男母

女孀從七位下百濟宿禰永繼所生焉云

正五位上飛鳥部奈止麻呂女器局溫格識量弘雅才兼
文武道叶變諧賞容接物能得衆人歡心
父封戶以諸貧弱建學館而勸子弟延曆
二十年閏正月任大判事二十二年三月
任右衛士少尉五月任左衛士少尉大同
元年五月叙從五位下任春宮大進二年
正月任春宮亮四年正月兼侍從四月叙
正五位下尋叙從四位下任左衛士督五

月任大舍人頭十二月兼中務大輔五年
正月兼備中守二月兼右少辨三月補藏
人頭四月停官依踐祚也七月兼美作守
十一月叙從四位上任內大舍人頭八月
兼春宮大夫尋兼中務大輔九月遷式部
大輔二年正月任參議六月兼左衛門督
十月停式部大輔遷春宮大夫三年正月
兼美作守十月遭喪去職十二月叙正四

位下任左近衛大將五年四月叙從三位
兼春宮大夫美作守如元七年正月兼近
江守十月任權中納言八年正月兼陸奥
出羽按察使二月轉任中納言九年六月
任大納言叙正三位十二年正月任右大
臣十三年正月叙從二位十四年四月叙
正二位天長二年四月任左大臣是年二
月辭左近衛大將薨時年五十二
公卿卒
補任

卯遣彼就大臣淺草別業詔曰云云贈正

一位葬于山城國愛宕郡淺草山

日本
記畧

八月丁酉從四位上安倍朝臣雄能麻呂
卒從五位下
麻呂之孫因幡守從五
位上人成之子也弘仁元年叙從五位下
八年從四位下十三年從四位上初以調

鷹得達無他才學品祝顯要一身之幸也

國史第六十一
六人部薨卒
戊戌召大學博士從五位下

伊豫部連真貞及直講學生等於紫宸殿
令講論經義例也賜祿日本 戊申從五位
上藤原朝臣家雄從五位上藤原朝臣吉
野正五位下丙辰授正五位下藤原朝臣
家雄從四位下國史第九十九職 是日任
官日本 中納言從三位清原真人夏野兼
左近衛大將公卿補任 壬戌賑給左右京飢病
及被水害百姓等國史第一百七十三
災異部七疾疫

九月丙寅河內國澁河郡荒廢閑地二十

町宛典藥寮國史第一百七職官 己巳詔曰

云云日本 庚午伊豫守從四位上安倍朝

臣真勝卒太宰大監正六位上三綱之子

也延曆年中叙從五位下任陰陽頭弘仁

十一年叙從四位下任神祇伯歷申斐伊

豫守天資質撲不好祇媚學老莊能口自

讀如流不精義理所歷之職頗稱寬靜卒

時七十三

國史第六十
六人部薨卒

是日太政官符應

親主任國守事上總國常陸國上野國右
檢中納言從三位兼行左兵衛督清原眞
人夏野奏狀稱設置八省職寮相隸百官
守職庶務俱成一事有闕萬事皆緩今親
王任八省卿此人地望素高不得就職無
知碎務仍官事自懈政迹日蕪非是庸愚
之所致因地勢使之然也凡官人遷代必

署解由至有欠物不免償物居此之費見
其如此望請點定數國爲親主國迭任彼
國身留京都意欲居京官者一兩人將聽
若有守闕者不補他人其料物者納置別
倉支无品親主之要伏聽天裁者正三位
行中納言兼右近衛大將春宮大夫良峯
朝臣安世宣奉敕依奏但件等國守官位
卑下宜改定正四位下官以爲敕任號稱

太守限以一代不可永例類聚三代癸酉

賜宴於內裏文人已上祿有差國史第七十四歲時

部五九乙亥天皇御八省奉幣帛於伊勢

大神宮第三神祇部三丁丑正六位上長

田王藤原朝臣濱雅佐伯宿禰福成授從

五位下第九十九職官是日任官日本中

納言從三位清原真人夏野任民部卿參

議從三位春原朝臣五百枝任中務卿參

議從四位上藤原朝臣綱繼任兵部卿參

議從四位下藤原朝臣愛發任大藏卿從

四位下平朝臣高棟任中務大輔公卿補任甲

申河內國若江澁河兩郡地二十町宛陰

陽寮國史第七職官乙酉下民部省符

傳相轉舊錢鑄造新錢之間宜停鑄錢料

銅令進年料熟銅千斤云云見承和八年閏九月二十

符九日己丑任官日本記畧

冬十月丙申天皇幸栗前野遊獵賜侍從及將長非侍從并山城國掾己上衣被國史

第三、十二帝王部己亥應撰定令律問答十一、二天、皇遊獵

私記事右得彼省解備大學寮解備明法博士外從五位下國造今足解備謹檢舊記律令之興年代侵遠沿革隨時損益因世藤原朝廷御宇正一位藤原太政大臣奉敕制令十一卷律六卷博士正四位下

下毛野朝臣古麻呂贈正五位上調忌寸老人正五位下守部連大隅從五位下道公首名從五位上伊吉連博德從五位下伊豫部連馬甘等至于大寶元年修撰既訖施行天下平城朝廷養老年中同太政大臣復奉敕刊修令律各為十卷博士正四位下大和宿禰長岡從五位下陽胡史真身從五位下矢集宿禰虫麻呂從五位

下鹽屋連右麻呂從五位下山田連白金
等自爾以來諸博士等相承教授文畧義
隱情理難通卽無不由先儒舊說而被舊
說或爲問答或爲私記互作異同未詳誰
作後學者等屬意彼此每有論決難塞夫
古之刑書鐘鼎鑄之金石銘之所以塞異
端絕異理也望請命當時博士等撰先儒
之舊說省彼迂說取此正義勒成卷帙以

備解釋庶俾學者易解與奪莫異者省依
解狀謹請官裁者正三位行中納言兼右
近衛大將春宮大夫良峯朝臣安世宣奉
敕依請者省宜承知依宣行之今義解
第一庚
子太政官符應申預釐務未得解由人解
任事右得式部省解備檢按內被太政官
去弘仁十三年八月二十八日符備得省
解備去天應二年二月五日左大臣宣諸

司官人兼帶國司解國司任之後百二十
日內不進解由者不得預釐務又未得解
由人任諸司官有宣許釐務者釐務之後
百二十日內不進解由宜申送之者自爾
以來未得解由之輩申官解文註云應停
釐務今按交替式云遷任國司及新任之
人分付受領過百二十日解却見任并奪
俸料但五位以上未得解由一依敕文重

奪位祿食封者先宣後格輕重不同事須
准式文申解任但未得解由新任職者更
計百二十日猶獨從前宣謹請官裁者右
大臣宣依請者熟按前解頗有不盡何則
任遷任未得由之輩省申解任之後彼若
有所執未勘定之間官告知此狀告知之
後國司百二十日京官六十日過此程限
獨不報下者更解任是承前之例也因茲

每過程限重申解任并官緣非格旨從排
却若不覆申恐乖公平望請猶從前例以
爲後式謹請官裁者正三位行中納言兼
右近衛大將春宮大夫良峯朝臣安世宣
依請類聚三代格第五壬寅任官日本記畧己酉授正
六位上多治比真人門成從五位下己未
授正六位上藤原朝臣貞吉從五位下國史
第九十九職官部四叙位四

十一月丁丑任五畿內校田使日本記畧乙酉

地震國史第百七十一災異部五地異己丑任官日本記畧

十二月甲辰雨雪國史第百六十五祥瑞部上雪乙巳地

震第百七十一災異部五地異丙午分使奉諸陵荷前

幣日本記畧戊申車駕幸大原野遊獵賜親王

以下侍從及狩長五位非侍從以上祿各

有差國史第三十二帝王部十一天皇遊獵己未詔曰朕以

菲薄嗣膺丕基踐氷虎々馭朽敬敬膏澤

不泱於黎庶風化莫澄於寰區克已傷懷
未知攸濟忽見公卿來表有賀慶雲之瑞
朕德拜無圓以慙感物道化有缺何用動
神但惟後又百官存職匪懈雖靈芝不効
慶有餘焉萬民不贍帝則未順雖麟鳳在
野吾猶懼矣自顧庸虛何之慶賀朕尚不
敢當之公等宜且停矣右大臣從二位兼
皇太子傳臣藤原朝臣緒嗣等言臣聞天

道無言待哲后而呈祉神功不宰值仁君
而降祥故景雲入歌有虞之化逾穆伏氣
叙彩軒轅之業克宣伏惟皇帝陛下德等
二儀仁敦萬物與天合德尚憂寒暑之不
均將地侷貲猶恐黎元之未洽伏見少外
記從六位下都宿禰廣田麻呂左大史正
六位上御野宿禰清庭等奏傳去七月十
六日申刻有五色雲見於豐樂殿之西又

紀伊國守從五位下占野王等奏傳去八月二十八日慶雲見於海部郡賀多村伴島上又太宰大貳參議從四位下小野朝臣峯守等奏傳去七月七日慶雲見于筑前國那賀郡之上竝皆彩色紛郁美麗非常臣等謹按孫子瑞應圖曰慶雲太平之應也禮斗威儀曰政和平則慶雲至孝經授神契曰德至山陵則慶雲出夫殿號豐

樂驗四海之歡娛島名聖諱表一人之有慶斯實曠古之所希有歷世之所難逢也臣等幸值會昌之期頻親希世之瑞其為扞躍寔百恒品不勝悅豫之至謹拜表陳賀以聞第百六十五授從五位上紀朝臣御依正五位下第九十九職官辛酉右大臣從二位兼行皇太子傅臣藤原朝臣緒嗣等言臣聞惟天為大叶天道者聖人惟

第百六十五
祥瑞部上雲

第九十九職官
部四叙位四

皇體元應皇德者靈貺故丹羽止戶周氏
開七百之期白狼入朝殷家隆九互之祚
伏惟皇帝陛下登樞踐曆執象應機解殷
帝之羅去三面而流惠乘夏主之位傷萬
姓之有辜是以天瑞地符之祥異名而影
集應圖合謀之貺同時而星連陛下謙讓
而不當長卿有云且天爲質闇珍府固不
可辭也伏望鴻慈曲垂以納下臣之款且

副上天之心不任鳧藻之至奉表陳乞以

聞第百六十五是日下符云云見四年八月二十

祥瑞部上雲日壬戌詔曰朕以昧德忝纂君臨乘奔軫

懷納隍銷志分宵廢寢憂萬方之未安興

晨忘食懼八政之或殊近有非雲見諸內

外公卿表賀辭不敢當尚亦頻奏推之不

得誠如來表豈謂在己此則七廟之靈感

恩如在二儀之感徵祥自臻今欲報德蒼

天寄彼祖宗播惠黎蒸共此嘉貺可大赦
天下自天長三年十二月三十日昧爽以
前大辟以下罪無輕重未發露已發露未
結正已結正繫囚見徒咸皆赦除但犯八
虐故殺謀殺私鑄錢強竊二盜常赦所不
免者不在赦例其初見人五位者進位一
階六位已下者二階正六位上者廻授一
子二階白丁免當戶今年調庸又內外文

武官主典已上加位一級但正六位上者
廻授一子若無子者宜量賜物五位已上
子孫年二十已上者亦叙當蔭之階天下
老人百歲已上賜穀三斛九十已上一斛
鰥寡孤獨不能自存者量加賑恤孝子順
孫義夫節婦旌表門閭終身勿事普告遐
邇咸使知聞

國史第百六十一
五祥瑞部上雲

服其野味關五林齊時十
其難夫博款其來開關
細其心傲不歸自孫
其入百為占上顯
其幸幸三子士
其難一七其難子
其宜宜量顯

日本逸史卷第三十四



